



# COMUNU DE SOLÈMINIS

Provìntzia de sa Sardìnnia de Bàsciu

Bia Crèsia 18, 09040 – Solèminis (SU – Sud Sardìnnia)  
Còdixi Fiscali (CF) 80005100922 - Partida Imposta balori aciuntu (P. Iva) 01430300929

## AVISU

(Primu Pàgina de su Giassu istituzionali de su Comunu)

### NOAS ALBU COMUNALI DE IS SOTZIEDADIS E ASSÒTZIUS SPORTIVUS

SU RESPONSÀBILI DE SU SERBÌTZIU FAINAS GENERALIS

#### FAIT SCIRI

Ca tocat a atendi a is noas de s'Albu de is Sotziedadis e de is Assòtzius Sportivus Spassiadoris, istituiu cun deliberatzioni de Giunta Comunali nùmeru sessantaseti de su dexenoi de su Mesi de Ladàmini Duamilla-e-ùndixi (G. C. 19/10/2011 n. 67) cun sa tenta de promovi e cuntzertai s'atividadis sportiva e de mòvida in su logu comunali;

is noas funt po is assòtzius nàscius imoi de pagu, po cussus giai assentaus chi ant tentu mudàntzias.

Podint presentai sa pregunta po si-nci assentai is sotziedadis e assòtzius sportivus cun is tìtulus afatantis:

- su nci tenni sedi legali e traballai in su logu comunali;
- su èssiri sòtzius de is federatzionis sportivas de su CONI (= Comitau Olìmpicu Natzionali Italianu) o de is entis de promotzioni sportiva arreconnotus de issus etotu;
- su no tenni sa tenta de nci guadangiai;
- su èssiri assentaus a s'Albu Regionali de is Sotziedadis Sportivas, cunforma a s'artìculu noi de sa Lei nùmeru dexeseti/Milli-e-noixentus norantanoi (L. n. 17/1999 art. 9);

A is Assòtzius e a is Sotziedadis sportivas chi ndi funt interessaus si consillat de presentai sa pregunta po si-nci assentai a s'Albu Comunali imperendi su mòdulu ideau aposta chi agatant in s'Ufitziu Sport e in su giassu istituzionali [www.comune.soleminis.su.it](http://www.comune.soleminis.su.it), po mesu de una intra is maneras afatantis:

- sa posta eletrònica tzertificada (PEC) a s'indiritzu *protocollo.soleminis@pec.comunas.it*, impari a sa scansioni de totu is liòngius chi ndi bessint de custu Avisu;
- su curreu eletrònicu a s'indiritzu *segreteria@comune.soleminis.su.it*, impari a sa scansioni de totu is liòngius chi ndi bessint de custu Avisu;
- sa cunsènnia a manu in busta serrada indirizata a s'Ufitziu Sport, acumpangiada de totu is liòngius chi ndi bessint de custu Avisu, de ponni ainturu de sa cascita de arregorta, a su costau de s'intrada de su Comunu;
- sa cunsènnia a manu in busta serrada indirizata a s'Ufitziu Sport, acumpangiada de totu is liòngius chi ndi bessint de custu Avisu, de lassai anca ddui est s'Ufitziu Prisia, postu in bia Crèsia, nùmeru dexeotu (n. 18), primu pranu.

Su si-nci assentai a s'Albu, a prus de permiti de ndi formai s'Anàgrafi de is Assòtzius e Sotziedadis sportivas chi nci funt in su territòriu, est tìtulu chi est cosa de no podit fai de mancu po:

- imperai is imprantus sportivus comunalis;
- gosai de is cuntributus econòmicus comunalis e de àterus finantziamentus chi ddi assimbillint o agiudus;
- tenni s'intrada a s'amparu comunali po manifestatzionis e/o iniziativas promòvias de s'Assòtziu e Sotziedadi.

A sa pregunta si-nci depit acumpangiai sa documentatzioni afatanti:

- a) còpia de su statudu o de s'àutu costitudori;
- b) còpia assentadura a s'Albu Regionali de is sotziedadis sportivas;
- c) tzertificau de sòtziu a is federatzionis sportivas de su CONI (= Comitau Olìmpicu Natzionali Italianu) o de is entis de promotzioni sportiva arreconnotus de issus etotu;
- d) arralamentu pretzisu aingìriu de s'atividadi fata in sa stasoni sportiva de innantis o po is sotziedadis/assòtzius nàscias imoi de pagu aingìriu de s'atividadi chi ant a bolli fai;
- e) lista de is atletus tesseraus cun sa cumbàlida de sa federatzioni o enti de promotzioni sportiva chi sa sotziedadi ndi est assòtziada.

**SU RESPONSABILITÀ DE SU SERBÌTZIU AA.GG.**

(= Fainas Generalis)